



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ვარლამიშვილი ფელიქს გრიგოლის ძე



ფ. ვარლამიშვილი

ვარლამიშვილი (ვარლა) ფელიქს გრიგოლის ძე (22. IV. 1903, ქუთაისი, - 6. II. 1986, პარიზი), ფერმწერი. სწავლობდა თსუ-ის საბუნებისმეტყველო-მათ. ფაკ-ტსა (1920-23) და თბილ. სამხატვრო აკად. ფერწერის ფაკ-ტზე (1923-27). მისი პედაგოგები იყვნენ ი. შარლემანი და ე. ლანსერე, 1929-იდან ცხოვრობდა პარიზში. 1945-იდან იყო „შემოდგომის სალონის“ ჟიურის წევრი, 1948-52 ცხოვრობდა და მოღვაწეობდა არგენტინაში. სხვადასხვა დროს პერსონალური გამოფენები მოაწყო საფრანგეთის, აშშ-ის, არგენტინის, იაპონიის, ირანის, ბელგიის სხვადასხვა

ქალაქში. 1987 მხატვრის მიერ ნაანდერძევი 10 ნამუშევარი გადმოეცა შ. ამირანაშვილის სახ. ხელოვნ. მუზეუმს. გამოფენები მოეწყო თბილისსა (1987) და ქუთაისში (1988). ვ-ის ტილოებზე ასახულია საოჯახო, შრომის, თევზაობის, ნადირობის რეალისტური სცენები. ნამუშევრები ხასიათდება მაღალი პროფ. დონით, ორიგინ. ხედვით, კომპოზიციისა და ფერების დეკორ. ხასიათით, თბილი კოლორით, პოეტური, ნაღვლიანი განწყობილებით („ავტოპორტრეტი“, 1924; „მანვნის გამყიდველი“, 1943; „მეთევზეები“, 1978 და სხვ.).

**ქ. კინწურაშვილი**

